

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r Kolegija Skupštine Kantona Sarajevo

Uputiti: Ministarstvu unutrašnjih poslova Kantona Sarajevo, Ministarstvu saobraćaja Kantona Sarajevo i Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo

PREDMET: INICIJATIVA

Poštovani,

Na osnovu člana 213. Poslovnika Skupštine Kantona Sarajevo, upućujem inicijativu Ministarstvu unutrašnjih poslova, Ministarstvu saobraćaja i Ministarstvu komunalne privrede, infrastrukture, prostornog uređenja, građenja i zaštite okoliša da se hitno pristupi normiranju korištenja, upravljanja, registracije i parkiranja električnih romobila na području KS.

U posljednjih nekoliko godina svjedočimo **značajnom porastu korištenja električnih romobila** na ulicama Kantona Sarajevo, bez jasno definisanih pravila i propisa koji bi uredili način njihovog korištenja. Neophodno je donijeti odgovarajuće podzakonske akte ili izmjene postojećih propisa kojima će se jasno definisati **pravila kretanja, minimalna dobna granica za upravljanje električnim romobilima, obavezna sigurnosna oprema, kao i način i mjesta parkiranja.**

Ovakvo normiranje je nužno radi **povećanja sigurnosti svih učesnika u saobraćaju**, a naročito pješaka, ali i samih vozača električnih romobila. U proteklom periodu zabilježen je veći broj **teških i ozbiljnih povreda** koje su posljedica neadekvatnog, nesavjesnog i nepropisnog upravljanja električnim romobilima.

Posebno se predlaže da se razmotri mogućnost **uvođenja obaveze registracije ili prijave električnih romobila nadležnim policijskim upravama**, kao i jasno definisanje režima parkiranja, čime bi se značajno unaprijedila kontrola korištenja, **smanjila mogućnost otuđenja romobila**, te spriječilo ometanje drugih učesnika u saobraćaju, naročito pješaka i osoba smanjene pokretljivosti.

Cijeneći bezbjednosne, saobraćajne i komunalne aspekte ove problematike, smatram da je donošenje jasnih i provedivih pravila u ovoj oblasti **od izuzetnog javnog interesa**, te je potrebno da nadležne institucije u što kraćem roku poduzmu potrebne mjere i o istim informišu Skupštinu Kantona Sarajevo.

S poštovanjem,

Sebija Izetbegović, zastupnica u Skupštini Kantona Sarajevo

